



Broj: 12-01-02-6125/22
Mostar: 28.12.2022. godine

Na osnovu člana 55. Zakona o organizaciji uprave u Hercegovačko-neretvanskom kantonu („Službene novine HNK“, broj: 9/09), člana 15. Zakona o dopunskim pravima branilaca i članova njihovih porodica u Hercegovačko-neretvanskom kantonu („Službene novine HNK“, broj 6/18, 4/21 i 7/22), člana 8. Pravilnika o kriterijima i postupku za ostvarivanja prava na olakšice kod plaćanja naknada u obrazovnim ustanovama („Službene novine HNK“, broj: 10/22), a u vezi s Javnim pozivom za podnošenje zahtjeva za ostvarivanje prava na olakšice kod plaćanja naknada na javnim visokoškolskim ustanovama, broj: 12-01-45-5020/22 od 24.11.2022. godine, ministar za pitanja branitelja/boraca, donosi:

ODLUKU
O DODJELI NOVČANIH SREDSTAVA ZA OLAKŠICE KOD PLAĆANJA
NAKNADA NA JAVNIM VISOKOŠKOLSKIM USTANOVAMA U AKADEMSKOJ
2022/2023

I.

Uvažavajući prioritete utvrđene u Pravilniku o kriterijima i postupku za ostvarivanja prava na olakšice kod plaćanja naknada u obrazovnim ustanovama, djeci pripadnika branilačke populacije koji redovno studiraju na javnim visokoškolskim ustanovama sa sjedištem u HNK, čije su prijave pravovremene potpune i uredne odobravaju se novčana sredstava u ukupnom iznosu od 290.000,00 KM (slovima: dvijestotinedevedeset hiljada KM) u svrhu ostvarivanja olakšice kod plaćanja naknada u obrazovnim ustanovama, a koji spisak korisnika čini prilog I. ove Odluke – tabelarni prikaz.

II.

Na osnovu tačke X. Javnog poziva za podnošenje zahtjeva za ostvarivanje prava na olakšice kod plaćanja naknada na javnim visokoškolskim ustanovama u akademskoj 2022/2023, uvažavajući prioritete utvrđene u Pravilniku o kriterijima i postupku za ostvarivanja prava na olakšice kod plaćanja naknada u obrazovnim ustanovama, djeci pripadnika branilačke populacije koji redovno studiraju na javnim visokoškolskim ustanovama van HNK čije su prijave pravovremene, potpune i uredne odobravaju se novčana sredstava u ukupnom iznosu od 28.200,00 KM (slovima: dvadesetosam hiljada i dvije stotine KM) u svrhu ostvarivanja olakšice kod plaćanja naknada u obrazovnim ustanovama, a koji spisak korisnika čini prilog II. ove Odluke – tabelarni prikaz.

III.

Odobrena sredstva će se uplatiti na tekući račun korisnika sredstava iz tačke I. i II. ove Odluke.

IV.

Sredstva iz tačke I. i II. ove Odluke osigurana su u Budžetu HNK za 2022. godinu na poziciji Ministarstva za pitanje branitelja/boraca „Izdaci po osnovu Zakona o dopunskim pravima

branilaca i članova njihovih porodica“, organizacijska jedinica 38010003, ekonomski kod 614 200 LAM 022 „Sufinansiranje plaćanja naknada upisa u obrazovne ustanove“ i sredstava tekuće rezerve na osnovu Odluke Vlade HNK donesene na 187. sjednici održanoj 22.11.2022. godine (Odluka o davanju saglasnosti Ministarstvu za pitanja branitelja/boraca za raspisivanje Javnog poziva za ostvarivanje prava na olakšice kod plaćanja naknada u obrazovnim ustanovama, broj: 01-1-02-3146/22 od 22.11.2022. godine).

V.

Za realizaciju ove Odluke zadužuju se Odjel za finansijska pitanja, praćenje i realizaciju Budžeta Ministarstva.

VI.

Preostali zahtjevi podnosioca zahtjeva, rješavati će se po prijedlogu Ministarstva, do nivoa raspoloživih budžetskih sredstava, a na osnovu posebne odluke.

VII.

Na ovu Odluku može se uložiti prigovor u roku od 8 dana.

Obrazloženje

U skladu s Javnim pozivom za podnošenje zahtjeva za ostvarivanje prava na olakšice kod plaćanja naknada na javnim visokoškolskim ustanovama u akademskoj 2022/2023 broj: 12-01-45-5020/22 od 24.11.2022. godine, lica iz tačke I. i II. ove Odluke u svojstvu djeteta pripadnika branilačke populaciji podnijela/io je ovom organu zahtjev za ostvarivanje prava na olakšice kod plaćanja naknada u obrazovnim ustanovama. Uz zahtjev je priložena sva potrebna dokumentacija.

Budući da je Komisija imenovana Rješenjem ovog organa, broj: 12-01-04-4996/22 od 24.11.2022. godine utvrdila da podnosioci ispunjavaju uslove za ostvarivanje prava na olakšice kod plaćanja naknada u obrazovnim ustanovama, uz uvažavanje prioriteta utvrđenih u Pravilniku o kriterijima i postupku za ostvarivanja prava na olakšice kod plaćanja naknada u obrazovnim ustanovama i tekstu Javnog poziva za podnošenje zahtjeva za ostvarivanje prava na olakšice kod plaćanja naknada u obrazovnim ustanovama, odlučeno je kao u tački I., II. I III- ove Odluke.

Prilog:

- 1. Tabelarni prikaz** (popis djece pripadnika branilačke populacije - studenti koji redovno studiraju na javnim visokoškolskim ustanovama sa sjedištem u HNK)
- 2. Tabelarni prikaz** (popis djece pripadnika branilačke populacije - studenti koji redovno studiraju na javnim visokoškolskim ustanovama van HNK)

Dostavljeno:

1. Web stranica Ministarstva,
2. Odjel za finansijska pitanja, praćenje i realiziranje Budžeta Ministarstva,
3. a/a



MINISTAR

Oliver Soldo dipl.oec.